

ERA Newsletter

For Schools in Wales



Rhaglenni defnyddiol ar S4C

Cadwch lygad ar amserlenni S4C am fanylion rhaglenni all fod yn ddefnyddiol i chi. Mae gwasanaeth **Cyw**, i blant bach iawn, a **Stwnsh** ar gyfer 7-13, yn wych fel man cychwyn, ond mae'r amserlen gyfan yn llawn cynnwys defnyddiol. Dyma rai esiamplau.

T. Llew Jones. Ym mis Hydref dathlwyd 100 mlwyddiant geni'r awdur. I nodi'r achlysur, fe ddarlledodd S4C sawl rhaglen arbennig am ei waith a'i fywyd, yn cynnwys rhaglen ddogfen newydd **T. Llew Jones** ac, o'r archif, addasiad ffilm o'r nofel **Tân ar y Comin**. Mae pob rhaglen ar gael ar-lein hyd at yr ail wythnos ym mis Tachwedd.

#Fi. Mae'r gyfres hon wedi ennill gwobrau am ei rhaglenni dogfen sy'n adlewyrchu bywydau amrywiol pobl ifanc. O gyfnodau trist i brofiadau anghyffredin, y bobl ifanc eu hunain sy'n adrodd eu stori. Bob prynhawn Mercher am 5.20 ac ar alw ar-lein.

Dyma Fi. Wythnos arbennig o raglenni i bobl ifanc yng nghanol mis Tachwedd. Yn cynnwys rhaglen drafod arbennig **Hacio'n Holi**.

Arfordir Cymru: Llŷn. Cyfres newydd sy'n dechrau ar nos Sul 8 Tachwedd 7.30, ac sy'n archwilio hanes, pobl a thirwedd arfordir Pen Llŷn.

Jen a Jim Pob Dim. Cyfres am rifau a rhifydded yn addas ar gyfer **Cyfnod Sylfaen** (oed 4-5). Wedi ei gosod mewn siop, yng ngofal y cymeriadau Jen a Jim, mae'r gyfres yn cyflwyno problemau mathemateg mewn ffordd liwgar a hwyllog, i annog plant i gymryd rhan. Rhan o wasanaeth **Cyw** fydd hefyd yn cynnwys gemau a gweithgareddau ar-lein.

Mae'r rhan fwyaf o'r rhaglenni ar gael gydag isdeitlau Saesneg.

Bydd rhagor o wybodaeth yn cynnwys manylion darlledu ar gael yn nes ymlaen ar wefan **s4c.cymru neu @S4C**, gyda diweddariadau ar gael ar **@eraresources**

Mae modd gwneud **cais am gopiâu DVD o raglenni S4C** ar gyfer defnydd addysgiadol. Cysylltwch â Gwifren Gwylwyr S4C am ffurflen gais. Mae'r manylion cyswllt ar **s4c.cymru/cysylltu**

Gwerth y drwydded ERA

Gall rhaglenni radio a theledu fod yn adnodd addysg ddefnyddiol ar gyfer yr ystafell ddsbarth. Mae'r drwydded ERA yn caniatáu i chi ddefnyddio cynnwys o raglenni sydd wedi eu darlledu (yn cynnwys ar wasanaethau gwyllo ar alw sianeli darlledu cyhoeddus y DU) fel adnoddau addysg ac mae modd i'r ysgolion ddarparu'r cynnwys ar gyfer y disgyblion i'w gwyllo yn yr ystafell ddsbarth neu yn y cartref.

Mae ysgolion yng Nghymru yn cael eu trwyddedu drwy drefniant trwydded grŵp gyda'r awdurdodau lleol, neu mae nifer fechan o ysgolion wedi eu trwyddedu yn unigol. Mae'n sefydliad nid-er-elw, gydag arian y drwydded yn cael ei ddefnyddio ar gyfer gwaith gweinyddol yn unig ERA. Mae gweddill yr arian er budd ein haelodau. Mae hyn yn golygu fod Deiliaid Hawliau yn cael pris teg am eu gwaith. Dilynwch ni ar Twitter **@ERAResources** am y diweddarafr am raglenni neu ewch i'r adran 'Resources' ar wefan ERA i ddarllen am brofiadau athrawon eraill.



Addysg Bersonol a Chymdeithasol – Llund Ceg

Nid yw'n orfodol i ddysgu pwnc Addysg Bersonol a Chymdeithasol (ABCh), er hyn mae disgwyl i ysgolion ddarparu addysg gan ddwyn ar 'arfer da'.

Mae dod o hyd i adnoddau ar gyfer y pwnc yma yn gallu bod yn anodd o ystyried pa mor eang yw'r fframwaith. Ond mae S4C wedi datblygu adnodd **Llund Ceg**, cyfres sy'n trafod materion sydd o bwys i bobl ifanc, gyda phynciau yn amrywio o ddelwedd i ysgariad, perthynas a chyfryngau cymdeithasol.

Yn cyflwyno mae Aled Haydn Jones, cyflwynydd rhaglen Surgery Radio 1, hefyd Kizzy Crawford a Geraint Hardy. Mae wedi ei greu ar gyfer plant 8-14 oed, ac mae isdeitlau Saesneg ar gael. Mae eich trwydded ERA yn gofalu fod modd i chi wneud copiâu o unrhyw un o'r rhaglenni yma a dangos clipiau (neu raglenni llawn) i'ch dosbarthiadau, neu ofyn i ddisgyblion wyllo nhw adref cyn cynnal trafodaeth yn yr ystafell ddsbarth.

Mae gwefan Llund Ceg

s4c.cymru/llundceg yn cynnwys cyngor a chlipiau gwyllo pellach.

Mewn partneriaeth â Childline, NSPCC a Chomisiynydd Plant Cymru mae S4C hefyd wedi datblygu ap sydd ar gael am ddim o iTunes neu Google Play.

Mae ymhlith sawl ap S4C all fod yn ddefnyddiol i chi yn yr ystafell ddsbarth. Er enghraifft, apiau gwasanaeth Cyw sy'n cynnwys 123 ac ABC. Ar gael am ddim. Mae mwy o wybodaeth ar gael yma: s4c.cymru/cyw

